

МИНАЙХОН ЖУМАНАЗАРОВА

**ЯШИН БҮЛМАЙ
ЯШАЙ ОЛМАЙМАН**

Шеърлар

МАЖБУРИЙ НУСХА

**«ISTIQLOL»
ТОШКЕНТ
2013**

УЎК: 821.512.133-1

КБК: 84(5Ў-6К)7

Ж 87

Узб. сюз.

84(5Ў-6К)7

Ж 87

Жуманазарова, Минайхон.

Яшин бўлмай яшай олмайман: шеърлар /
М.Жуманазарова. – Тошкент: Istiqlol, 2013. – 56 б.

Бу тўпламга истеъододли қорақалпоқ шоирасининг ижод
намуналари киритилган. Уларда қалам соҳибаси киндик қони
тўкилган она Ватанини, чин инсонийликни, соғ муҳаббат
туйғуларини Жайҳундай жўшиб-жўшиб куялайди. Ҳар бир
шеберда ўзига хослик, илҳом ва ҳайрат сезилиб туради.

2014/15	Alisher Navoiy
A	nemidagi
14.59	O'zbekiston MK

10 42322
0

УЎК: 821.512.133-1

КБК: 84(5Ў-6К)7

ISBN 978-9943-308-85-5

© «Istiqlol nashriyoti», 2013



ИЖОДИ ЎРНАК-ЎРНАК, ИФОРИ БҮЛАК-БҮЛАК

Ҳозирги замон қорақалпоқ шеърияти ҳақида гап кетганда, мазкур шеъриятнинг нозиктаъб вакилалари — аёл-қиз шоиралар ижоди борасида алоҳида фикр юритиш лозим бўлади. Яна аниқроқ қилиб айтсак, қорақалпоқ шеъриятида шоира қаламкашларнинг ижоди муаттар бир гулшанни бунёд қилганки, бу гулшан ифоридан баҳраманд бўлган мухлиснинг мазкур диёрга, унда яшаётган халқларнинг турмуш тарзига қизиқиши тобора ортиб бориши шубҳасизdir. Гап шундаки, азиз ихлосмандлар, Мустақиллик даври қорақалпоқ адабиётида янги бир саҳифа очган бўлса, ана шу адабиётнинг навқирон вакилалари бўлмиш шоиралар улуғ даврон неъматларидан тўла баҳраманд ҳолда, янги-янги ифорли гулдасталар тузиб, адабиёт муҳибларига тухфа қилмоқдалар. Чунончи, бугунги кунда Қорақалпоғистонда яшаб, илҳом билан ижод қилаётган, халқнинг орзу-умидларини маҳорат билан ифодалётган ўнлаб шоира аёлларни, етишиб келаётган юзлаб ёш истеъдодларни ўзим ҳам номма-ном санаб беришим мумкин.

Кейинги йилларда тўлиб-тошиб, баракали ижод қилаётган ана шундай фаол ижодкорлардан бири — Қўлингиздаги шеърий тўплам муаллифи, атоқли шоира Минайхон Жуманазаровадир. Сирасини айтганда, унинг номи ўзбек ўқувчиларига аввалдан ҳам таниш. Унинг шеърлари, публицистик асарлари йигирма йиллардан буён матбуотимиз нашрларида, газета ва журналларимизда мунтазам равишда чоп этилиб келинмоқда. Ўн йиллар муқаддам унинг

шеърлари ўзбек тилида нашр қилиниб, ўқувчилар қўлига етиб борган эди. Кейинги йилларда эса Минайхоннинг асарлари адабий давраларда кўп тилга олинадиган бўлди, унинг ижоди Ибройим Юсуповдай сўз заргарининг эътиборига тушди, тадқиқотларга асос бўлди.

Ўқувчи қалбida эса “Минайхоннинг шеърлари нимаси билан эътиборни тортади?” деган савол туғилиши мумкин. Бу саволга шундай жавоб қайтара оламан: аввалимбор содда тилда ёзилганлиги билан. Қолаверса, ростгўйлиги билан. Учинчидан эса шеърий фикрни, айтмоқчи бўлаётган гапини ўзига хос оҳангда ифодалай олиши билан. Минайхоннинг шеърлари борасидаги фикр-мулоҳазаларимизни яна давом эттираверишимиз мумкин эди-ю, гапимизни шу ўринда муҳтасар қилишга қарор қилдик. Сабаби, шоира шеърларидағи хусусиятларни шу китобни ўқиган зийрак мухлисларнинг ўzlари пайқаб-фаҳмлаб оладилар деб ўйладик.

Мутолаага марҳабо, шеърхумор дўстлар!

*Музаффар Аҳмад,
Ўзбекистон Ёзувчилар уюшмаси аъзоси,
таржимон*

Илҳом булогимнинг кўзисан

ВАТАН

Дарёю денгизинг, кўлингни ёздим,
Асқар тоғларингни, чўлингни ёздим,
Учи-охири йўқ ерингни ёздим,
Илҳом булогимнинг кўзисан, Ватан!

Неча турли қушлар, не жонворларинг,
Яшил тўқайларинг, дуркун боғларинг,
Нурга чўмилтирас алвон тонгларинг,
Меҳрибон онамнинг ўзисан, Ватан!

Саҳроларда жоним ҳалак югурдим,
Лойқа сувларингда суздим, чўмилдим,
Бахтим шу – Она юрт, сенда туғилдим,
Киндик қоним томган еримсан, Ватан!

Дарёю денгизинг, кўлингни ёздим,
Асқар тоғларингни, чўлингни ёздим,
Учи-охири йўқ ерингни ёздим,
Илҳом булогимнинг кўзисан, Ватан!



БОБОМСИЗ

*Бобом Эшиим охун Ажибай ўғлининг
табарруқ хотирасига бағишилов*

Илму ҳикмат излаб кезиб дунёни,
Элу юртга таратиб нур-зиёни,
Бир моҳи сиймосиз, бутун иймони,
Шамчирофим, зиёратгоҳ бобомсиз.

“Шерғозихон” мадрасасин битириб,
Ундан ошиб “Кўкаaldoш”га юз буриб,
Охун бўлиб, юрт ишига тахт қуриб,
Дини исломга содиқ ўтган бобомсиз.

Ота юртга келиб, масжид солдириб,
Қайда зийрак бола бўлса, олдириб,
Илм чашмасидан меҳрин қондириб,
“Билимли эл ўзар”, деган бобомсиз.

“Эшиим охун Бухородан қайтганда,
Бор билимни олган”, деб гап отганда,
Уламолар илм-масала айтганда,
Дуруст ечиб, олқиши олган бобомсиз.

Илоҳий бир нур таратиб юзингиз,
Мехру шафоат ёғдириб кўзингиз,
Кўп хастага шифо берган ўзингиз,
“Кўзи очиқ бобо” аталган бобомсиз.

Авлодларинг бари илму ҳикматли,
От-обрўли бўлди, кетмас давлатли,
Элга ҳам бир, ерга ҳам бир навбатли,
От кўтармас ном кўтарган бобомсиз.

Бугунги авлодлар сизни ёд этиб,
Исмингиз айтмоқда руҳни шод этиб,
Хатми Куръон қилиб, элга ош тортиб,
Икки дунё обод бўлган бобомсиз.

Ҳожибой, Ирзо, ундан Ҳабибулла,
Ҳабибулладан бўлган экан Файзулла,
Файзулланинг Париҳон исмли қизига
Қарар кўзим, менинг васфим сўрасанг.
Борсам-келсам зиёратгоҳ Каъбамсиз,
Барча эзгу ишдан огоҳ бобомсиз!

ЎҒЛИМ, ТОҒЛАРГА БОҚ...

Бу тоғлар эгали, тоққа боқ, талпин,
Боболар от суриб ўтган жойлар бул.
Бу – Турон, Туркистон, Жийдали Бойсун
Бойчибор сув ичган мангу сойлар бул...

Тортинма, қулуним, бул юрт сеники,
Қониб ич булоқнинг зилол сувидан.
“Шажараи турк”, “Қутадғу билик”ни
Ёд қилсанг, кимлигинг аёндир шундан.

Асан, Омонгелди бобонглар бунда,
Халқнинг ор-номусин туғ этган қўлда.
Асли гавҳар қилич ётарми қинда,
Ўғлим, тоғларга боқ, тоғларга талпин!..



ОНАЖОН

Мени ўйлаб, куйиб, минг ташвиш чекиб,
Келарми деб йўлларимга кўз тикиб,
Борсам, эркалатиб, юзимдан суйиб,
Ким энди манглайим сийпар, онажон?

Сен бор пайтинг кўнглим тўқ эди менинг,
Эрка мина¹ ларим чўғ эди менинг,
Ташвишим, қайфум ҳам йўқ эди менинг,
Кимлар энди мени суяр, онажон?

Эркалатиб қўйган ўзинг экан-ку,
Шафоатга тўла кўзинг экан-ку,
“Қароғим...” деган бол сўзинг экан-ку,
Қайлардан топарман, энди, онажон?

Икки йўл ўртаси... ҳамон йўртаман,
Сени излаб бориб, топмай қайтаман,
Энди арзи ҳолим кимга айтаман,
Етимлик нелигин билдим, онажон!

Қайгу келса бирор куннинг кунинда,
Кимгадир суянгим келар менинг-да,
Шундай пайт ҳаттоки фарзандларим-да
Ўрнингни босолмас сенинг, онажон!

“Оғам – олганунча, янгам – егунча...”,
Дўст-ёронлар давлат тойди дегунча,
Мендан безмай кетган ўла-ўлгунча,
Тек ўзинг экансан, билдим, онажон!

Ҳар кимнинг ўз уйи – ўлан тўшаги,
Уй ҳам хувилларкан айрилиқ чоги,
Япроқдай сарғайди умид чечаги,
Қайлардан топарман сени, онажон!..

¹ Мина – хулқ-автор.

МЕН – САХРОЙИ ҚОРАҚАЛПОҚМАН

Улуг Турун юрти, қадим Туркистон,
Манглайимга биттан азалий бўстон,
Тарихим, таърифим – минг йиллик достон,
Мен сахроий элман – қорақалпоқман.

Орол бўлиб эмиб Аму-Сирларни,
Макон айлаб ўйли-баланд, қирларни,
Ёддан тўқиб достонларни, шеърларни,
Айтсан – шажарали қорақалпоқман.

Фарғонада “Қорақалпоқ даласи”,
Самарқанд, Бухоро – кўзим қораси,
Қай ерда қолмади кўнглим қалъаси,
Дунёни бўйлаган қорақалпоқман.

Эдил, Ёйик¹ бўлсалар ҳам кўп қулай,
Амир сайлаб сийласа ҳам ул Нўғай²,
Софинтириб Аму суви, ўша лой,
Чўлни Ватан тутган қорақалпоқман.

Ўғил-қизим таърифимни сўзлаган,
Йўқловчи бўп, тарихимни излаган.
Айланиб кетайнин, қора кўзгинам,
Мен – сахроий халқман, қорақалпоқман!



¹ Эдил, Ёйик – Волга ва Урал дарёлари.

² Тарихий маълумотларга кўра, қорақалпоқ халқининг бир қисми Нўғай хонлиги худудида ҳам яшаган.

АЙТИБ ЯХШИ КҮРСАНГ...

Айтиб яхши күрсанг болангни,
Айтиб яхши күрсанг онангни,
Тилга күчса ҳис, туйғу, ҳавас,
Күнгилларда андиша қолмас.

Она бўлиб кўрмаган аёл,
Беролгайми онангдай меҳр?
Асабига тегиб кўр, дарҳол
Ўша заҳот сочади қаҳр.

Эҳ, онанг-чи, тутдай тўкилиб,
Арвонадай ийиб кетади.
Қовурғаси қолмай сўкилиб,
Ич-ичингта кириб кетади.

Ҳеч нарсанинг оғир-енгилин
Сезолмассан бошингга тушмай.
Қариндошнинг билмайди қадрин,
Той-қулундай тепишиб ўスマЙ.

Айтиш мушқул ҳатто онамга
“Сизни яхши кўраман!” – дея.
Айтольмасман туққан боламга,
Тўймасман ҳам мен сужа-сужа.

“Айтилмаган сўз – олтин” эмиш,
Айтилган сўз – мис эмиш яна.
Кўксим тўла қадрдон ташвиш,
Сиз берган меҳр-муҳаббат, она!

ХОРАЗМНИ ТАРК ЭТИШГА РУХСАТ ЙҮҚ

“...Биз шу Ватан учун шаҳид бўлажакмиз!
Хоразмни тарк этишга рухсат йўқ бизга...”

Нажмиддин Кубро башоратларидан
(“Нафоҳатул-унс” асари, 405-бет)

Нур излаб чарх уриб кездим дунёни,
Бағдод, Табриз ва Искандарияни.
Аммо Ясир, Шайх Исмоил, Рӯзбехон
Пирларни деб тарк этдим мен Хивани.

Изламадим мен на обрў, на лавозим,
Халқа чироқ лозим, халқа нур лозим.
Кўксимга дур-гавҳар йиғиб, олиб келдим,
Хатга солдим ҳар не борим, ол, Хоразм!

Бўлжадим¹ мен келажакда Ҳақнинг исмин,
О, ўнг бўлиб айланди ҳар кўрган тушим.
Мўгулларнинг келишин ҳам билган эдим,
Бироқ жонни асраш эмас марднинг иши.

Хоразмни тарк этолмам, ҳеч рухсат йўқ,
Бошқа юртда жон беролмам, ҳаловат йўқ.
Шаҳид бўлиш учун қолдим шу ерда мен,
Найза тутдим ёвга омон, шафоат йўқ!

* * *

Ўқ танламас – шайхми, пирми ул,
Кўксига қадалди топиб келиб йўл.
Кўлидан қўйвормай ёғий байробин,
Жон берди пир Кубро.
Халқим, омон бўл!

“Хоразмни тарк этишга менга рухсат йўқ!..”

¹ Бўлжамоқ – башорат қилмоқ, тахмин қилмоқ.

ҚИЗЛАРИМНИ ҚИЗФОНАМАН

*Шоира Гулнора Нурлепесованинг
шу номдаги шеърини ўқиб...*

Қизларимни қизғонаман, орим менинг,
Күнглимдаги энг бир нозик торим менинг,
Ёлғончидა ҳарна йүғ-у борим менинг,
Қизларимни қизғонаман, қизғонаман.

Қизим менинг бир йигитта ёр бўлади,
Қатордаги қоп қўллашар нор бўлади,
Қўл тегмаёқ, янтраб кетар тор бўлади,
Қизларимни қизғонаман, қизғонаман.

Эрта бир кун Алпомишга она бўлар,
Ул-қизим деб юрак-бағри пора бўлар,
Барибир ҳам менинг учун бола бўлар,
Қизларимни қизғонаман, қизғонаман.

Тўй бошласам, шулар – шуҳрат-шоним менинг,
Қоронғуда нур таратган тонгим менинг,
Ўлганимда йўқлов айтар жоним менинг,
Қизларимни қизғонаман, қизғонаман.

Қизларимни қизғонаман, орим менинг,
Күнглимдаги энг бир нозик торим менинг,
Ёлғончидა ҳарна йүғ-у борим менинг,
Қизларимни қизғонаман, қизғонаман.



НУКУСИМ

(құшиқ)

*Минайхон Жуманазарова сүзи,
Қодир Ҳилолов мусиқасы*

Таърифингни баён этсам, Нукусим,
Тополмасман сўзнинг сулув, тўқисин,
Сенга мос сўзларни кўнгил тўқисин,
Тарихимда номи порлоқ Нукусим!

Бизда ўзи аввал шаҳар бўлганми?
Бўлса, қайда – қум остида қолганми?
Манглайимга ёлғиз сени ёзганми?
Гўзалликда нурли сиймо Нукусим!

“Эдил қайда, Ёйиқ қайда, жой қайда?”
Халқим бурун макон босган шул жойда,
Излаб борсам ота юрт деб Нўғайга,
Шаҳарларим изи қайда, Нукусим?!

Таърифингни ҳув наридан оқизсам,
Саҳройи кўнглимга битган боғимсан,
Үрмамбетбий бобом чалган кўбизсан,
Бахтим порлар сен бор жойда, Нукусим!

Нўғайимдан қалпоқ қолди, бош қолди,
Туркистонда тарқоқ элда лош қолди,
Халқим менинг баридан ҳам бўш қолди,
Ҳасратимнинг поёнисан, Нукусим!

“Қорақалпоқ, қайда маконинг, жойинг?” —
Деса, энди менинг жавобим тайин.
Орол бўйи – ота мерос, қут жойим,
Бош шаҳримсан, шодёнамсан, Нукусим!

Пойдеворинг қалаб таъмал тошидан,
Шаҳар қурсак Қоратовнинг бошидан,
Менинг кўнглим завқ олади ўшандан,
Гўзалликда ягонамсан, Нукусим!

Таърифингни баён этсам, Нукусим,
Тополмасман сулув сўзнинг тўкисин,
Ороми жон, дил овунчи ўзингсан,
Халқим севган дурдонамсан, Нукусим!



Келажакнинг ёғуғ хаёли – Аёл!

АЁЛ

Ота уйда эркаланиб улғайдинг,
Гулзор ичра гул мисоли чўғландинг,
“Киши хасми...” Эъзозларга чулғандинг,
Ўзга юртнинг бахту иқболи – Аёл!

Энди... даҳл қилгандай сенинг эркингга,
Ҳайрона боқасан севган эрингга,
Тош бўлиб ботгансан тушган ерингга,
Кўзингда тақдирнинг малоли, Аёл!

Ҳижрон ўтларидан қалбинг доғланиб,
Ҳасратларда пинҳон бағринг тиғланиб,
Орзу кемаларинг қирда боғланиб,
Тиндими чашмаи зилолинг, Аёл!

Осонми барг ёзмоқ ўзга тупроқда,
Жонингни жабборга бердинг ҳар чоқда,
Қанча умринг кечди синов, титроқда,
Сен – гўё пойганинг тулпори, Аёл!

Дунёнинг бор заҳмат, бор ташвишларин,
Нор бўлиб, кўтардинг елкангда барин,
Югуриб-йўртиб, терга ботсанг олмай тин,
Қадр топмади меҳнатларинг ҳам, Аёл!

Нозик қал эгилиб дол бўлди, эвоҳ,
Суйруқдай¹ бармоқлар қаварди, эвоҳ,

¹ Суйруқ – ёш қамиш.

Оқча юзлар – сариқ гул, сўлди, эвоҳ!
Султонсиз саройнинг дастёри, Аёл!

Сен эдинг муҳаббат, меҳрга ташна,
Қалбинг – пок туйгулар қайнаган чашма,
Қандоқ ярашарди нозу карашма,
Сўндири замоннинг шамоли, Аёл!

Сарвиқомат эдинг гул каби нозик,
Елкангга ортдилар, афсус, қанча юк,
Меҳрингга жавоб меҳр топмадилар, йўқ,
Иzzат-эҳтиромнинг инкори – Аёл!

Ўз ўтингда ўзинг пинҳон қоврилиб,
Ётар кўз ёшингдан ёстиқ ювилиб,
Муҳаббат богидан бевақт қувилиб,
Бўлдинг гарифликнинг тимсоли, Аёл!

Кўзни қопласа ҳам ҳасрат тутуни,
Оҳингдан тоймади ернинг устуни,
Кўнглинг минг қуроқдир, сирти бутуним,
Келажакнинг ёруғ хаёли Аёл!

Энди қизинг эркалансин, улғайсин,
Чамандаги гул мисоли чўғлансан,
Киши хасми бўлиб, у ардоғлансан,
Ёруғ бўлсин унинг иқболи, Аёл!



МЕНИ АЙБЛАМА...

Сени минг дардларга согланим учун,
Ишқингда ўт бўлиб ёнганим учун,
Гоҳ қайнаб, гоҳ тошиб тўлганим учун,
Мени айблама, азизим.

Айбсиз жон эгам, гуноҳкор ўзим,
Тунлар уйқу бермас илоҳий сезим,
Барига сабабчи — тутаган тўзим,
Мени айблама, азизим.

Қалбимга ўт солган Аллоҳнинг ўзи,
Жонимга жой бермас меҳрининг кўзи,
Айтилган барча сўз — тангрининг сўзи,
Мени айблама, азизим.

ШОИРГА

Ишқ шароби дея, май ичдинг сен,
Айтгин-а, чанқоғинг қондими ўзи?
Сайдим деб, куйдим деб ўтга тушдинг сен,
Айт-чи, кимдир бирга ёндими ўзи?

Кўплар бирга ёнди, кулга айланди,
Сен-чи кундан-кунга ловуллайвердинг.
Талай булоқларнинг кўзи бойланди,
Сен саҳрода сув бўп шовуллайвердинг.

Меҳрингни улашиб тошбағирларга,
Кўрингандан меҳру шафқат кутарсан.
Кўнглингда не борин бул юрт англарми,
Ловуллаб-ловуллаб... ўлиб кетарсан.

АЙТ... АЙТ...

Айт сен ёшлигимнинг баҳорсиз, ёзсиз,
Куэги япроқдайин тўкилганин айт.
Қишиларим забтига олди аёвсиз,
Кўнглим осмонининг сўкилганин айт.

Оппоқ қор-қировли қишининг бир куни
Қалбимда гунчалар гуллади – айт, айт.
Сеҳрли соз чалдик узоқ бир туни,
Булоқлар зилол сув йўллади – айт, айт.

Ҳеч кимга эгмаган мағрур бошимни,
Тек сенинг олдингда эгдим-ку – айт, айт.
Кипригимга қотган қувонч ёшимни
Лабингда эритиб сүйдинг-ку – айт, айт.

Тош қалбим қайрадинг ишқ тоши билан,
Кўксимда гавҳарлар жилоланди, айт.
Соф севгинг, покиза ихлосинг билан
Кўнглимнинг қалъаси эгалланди, айт.

Айт... айт... Ҳаммасини қулогимга айт!



МУНОЖОТ

Шукур-а, ўзингдан розиман, Тангрим,
Энг тоза боғларнинг гулин тергиздинг.
Илоҳий туйғулар — севгининг барин
Кўксимга дур-гавҳар каби киргиздинг.

Розиман, сўз бердинг халқ минбаридан,
Мен тошиб-тўкилсам, сен йифиб олдинг.
Севдим-у севилдим юрак тўридан,
Ёнсам, тек севгининг ўтида ёндим,

Сен берган меҳрни тамом улашиб,
Талай юракларда фунча, гул очдим.
Телба руҳ эркимни яшнатди жўшиб,
Шафоат йўқ ердан мен тура қочдим.

Мен билмайман қачон тутар нафасим,
Шунга қадар сенинг содиқ қулингман.
Гулласам — меҳр тарар ҳар бир гулшаним,
Кетсам — юртчувлашиб қолар йўлимда.

Ай шукур, шукур-ов ўзингга, Тангрим!



ГОХИДА...

Мен гоҳо воз кечиб хаёлларимдан,
Орзу қилмоқни ҳам қўйсамми, дейман.
Чарчайман фойда-ю зиёнларимдан,
Қўл силтаб, жондан ҳам тўйсамми, дейман.

Ҳатто кўргим келмай олис-яқинни,
Кўл узгим келади оломонлардан.
Қайириб ўзимнинг ўзим шохимни,
Безаман “куйдим-у ёнаман”лардан.

Ўз теримга шунда ўзимни қамаб,
Узилиб бору йўқ уланишлардан,
Чилпарчин кўнглимга минг қуроқ ямаб,
Қочтим келар хаёл, тўлғанишлардан.

Ўшал дам қўксимни қоплаб бир олов,
Уйғотар ғафлатда ётган жонимни.
Юрак торларимни чертиб беаёв,
Аслига қайтарар ҳар не боримни.

Гоҳида воз кечиб хаёлларимдан,
Орзу қилмоқни ҳам қўйсамми, дейман.



БАРЧАСИ ЁЛГОН

Сифмоғим мушкулдир менинг дунёга,
Сенинг тушунмоғинг ундан-да мушкул.
Қалбимга ўт солган раббим Аллоҳга
Розиман, тахтимдан келмайди тушгим.

Мен учун шеърлардан барчаси ёлғон,
Қайғу-қувончларим жамланган унда.
Амал деб, унвон деб ўзгалар ёнган,
Менинг бошқалардан фарқим ҳам шунда.

Олтин қафаслардан афзал осмоним,
Кўксимдан олмасин оловларини.
Кўнгил саройида менинг бошпанам,
Сенинг тушунмоғинг қийин барини...

СЕЗМАЙСАН

Кўэсиз капалакдай ўтга урилиб,
Сезмайсан, ёлинлаб¹ ёнаётисран.
Кулга айланиб ва қайта туғилиб,
Бол, заҳарни қўша ютаётиран.

Бунчалик фидойи бўлганинг неси?
Севиб-севилмасанг, умринг ҳам зое.
Ошиқнинг кўр бўлар кўзлари деса,
Ишондим, севиклинг солмади соя.

Оёғи остига ташлаб ўзингни,
Йигладинг, кўтариб олмадинг кўлга.
Тошдан яратиб сен тоғдай тўзимни,
Тош ҳайкал ёнида айландинг кулга...

Кўэсиз капалакдай ўтга урилиб,
Сезмайсан, ёлинлаб ёнаётисран...

¹ Ёлинлаб – аланталаниб.

ИНЬОМ ЭТ

Софинчлар, софинчлар, софинчлар...
Софинчда ҳижроннинг чеки йўқ.
Дард, алам, мунг, қайғу, нолишлар,
Ўртаниб-ёнасан — чўғинг йўқ.

Кимнидир кутасан. Келмайди,
Ўзинг ҳам билмайсан, ким ўзи?
Сенинг кимлигингни у ҳам билмайди,
Қулоғи эшитмас, кўр кўзи.

Ўзингни урасан тоғ-тошга,
Сезмайман жон-танинг озорин.
Минг савдо тилайсан бир бошга,
Тарқамай турсайди бозоринг...

Мен сезиб яшайман ҳаммасин,
Шу туйғу ярашар ўзимга.
Ҳижронлар ўти ҳеч сўнмасин,
Тангрим, инъом этавер менга —

Софинчлар, софинчлар, софинчлар!..

ЁЛФИЗЛИК

Бояги боғларнинг боғбони ўзга,
Ўзга ниҳоллари, ўзга гуллари...
Меваси бош эгиб эгилмас бизга,
Хатто майсаларнинг ўзга нурлари.

Эски нарса бари — янги бўянган,
Эски сурувларда қолмабди излар.
Саид Аҳмад ҳам йўқ, хасса таянган,
Муҳаммад Юсуф йўқ, юракдан сўзлар.

Янги баҳонада ламланади ош,
Дийдор ғаниматдир – тушунарли ҳол.
Кулоқлар эшитар, күз күрар тақрор,
Дўрмон боғларида янгича жамол!

Аммо мен ёлғизман, бое ёлғиз, якка,
Нени излаб келдим, нени йўқотдим.
Софинчлар ўрнашар яна юракка,
Нега келганимни билолмай қайтгум...

КЎРИНДИ

Кўрдим бул дунёда яхши-ёмонни,
Ақлли, аҳмоқни ҳамда нодонни,
Кўрдим йифлатганин одам-одамни,
Дунёга келганим ёлғон кўринди.

Одамларнинг феъли озган замонда,
Шумликлари бошдан ошган замонда,
Ризқу баракатлар қочган замонда
Бир тишлам нон топиш гумон кўринди.

Кўрдим ор-номусин пулга сотганни,
Амал учун нақ бошига етганни,
Сиртдан сотиб, бирин-бири отганни,
Бул дунё ишлари вайрон кўринди.

Мехру шафоатлар ўлган замонда,
Севги-муҳаббатлар сўнган замонда,
Ёмонлик уруғи унган замонда
Бир парча табассум – армон кўринди.

ВИЖДОН АЙТАДИКИ...

Мен сенинг кўксингда товланиб,
Давосиз дардлар чекарман.
Нафсинг балодир ёвланиб,
Кўзлардан ёшлар тўкарман.

Билмадинг олис-яқинни,
Ўзингдан ўзгани кўрмадинг.
Тингламай менинг оҳимни,
Кўксинггагина ерладинг.

Ҳалолу ҳаром қоришиб,
Молу дунёлар йиғмадинг.
Ўзинг-ла зўрга курашиб,
Чивин жонингни қийнадинг.

Қариндош, туғишган, оғайни,
Билмадинг асло ҳимматин.
Бору кел, қатнашиқлар қани?
Бўлмади хурмат-иззатинг.

Кўпайса, давлатинг кўпайди,
Қалбинг-чи, камбағал ва қашшоқ.
Нафсинг ҳеч “қондим мен” демайди,
Айтаверсанг – уят-ку бироқ...

Аслида сен бундай эмасдинг,
Очкўзлик сени ўлдирди.
Энг баттар, ҳайвоний ҳисларинг
Қабрга жасадинг келтирди...

ОРАНГИЗДА ҚОЛГИМ КЕЛАДИ

Хорун подшо бўлиб ҳар кун
Кенг саҳрони кезгим келар.
Борми синиқ, ярим, бутун,
Дарду ҳолин билгим келар.

Кўпдир етим, есир, фариб,
Манглайдан суйгим келар.
Хазинамни улаштириб,
Ҳаммасига бергим келар.

Жафоқашлар чекса жафо,
Ёнин олиб тургим келар.
Дардлиларга топиб даво,
Хастага ем бўлгим келар.

Дастурхонта ризқу неъмат,
Мўл-кўлчилик бергим келар.
Очқўзларга сабр-қаноат,
Виждон бўлиб энгим келар.

Жамшид жомин қилиб бунёд,
Кенг жаҳонни кўргим келар.
Тоғ қўпориб мисли Фарҳод,
Саҳрона сув бергим келар.

Ботирларга қилич-совут,
Кўксида ор бўлгим келар.
Эл бошига кун туқдан пайт,
Мен ҳам отга мингим келар.

Қиз юзида уят, ибо
Ва андиша бўлгим келар.
Йигитга мартаба, вафо,
Бахт қуши бўп кўнгим келар.

Кимман ўзим? Тарихимнинг
Барин-барин билгим келар.
Замонларнинг таърифини
Ҳақ сўз билан айтгим келар.

Эшитганим-кўрганимнинг
Барин хатга солгим келар.
Ҳур қўшиғи бўлиб элнинг
Халқ ичида қолгим келар.

ЯНА БАҲОР КЕЛДИ...

Яна баҳор келди, яна ёз келди,
Унутдим қировли қишининг қорларин.
Кўнгил ойдинимга ўрдак-ғоз келди,
Чалгин туйгуларнинг нозик торларин.

Офтоби юзимни аймалаб-суйиб,
Йўлимга тўшалди яшил майсалар.
Булбул гул ишқида ўртанаар қуиби,
Болари гуллардан бўсалар олар.

Хаёлим ўғирлаб бу жонли сурат,
Қалбимга ўт ёқар жонимни қийнаб.
Мени ўртамоқда ҳижрон-муҳаббат,
Айиқтириб¹ бўлмас дард ила сийлаб.

¹ Айиқтироқ – ўзига келтирмоқ.

КЕТМОҚ УЧУН КЕЛГАНМАН

Қанча сулув гул бўлса-да сўлар бир кун,
Шон-шавкатли саройлар ҳам тўзар бир кун,
Тарқаб кетар ҳар қандайин бозор бир кун,
Эллар аро ёд этилар сўзим менинг,
Сўзим аро яшагайман ўзим менинг.

Бойлик қувиб ўзгаларга ялинмадим,
Амал сўраб товоң йўлда кўринмадим,
Ўз ўтовим, ўз бошпанам – Ватаним бор,
Адолатда, ҳақиқатда кучим менинг,
Шунинг учун ўткир поки – тишим менинг!

Сўз ҳам – давлат, подшодирман менинг ўзим,
Бош олади ўткир қилич – шеърим, сўзим,
Кўзга сурма ҳар бир босган изим менинг,
Шукрим кўпдир яратгувчим – бир Аллоҳга,
Кетмоқ учун келгандирман бу саройга!

Қайга борсам халқим ўзинг – қайтар жойим,
Борим ўзинг, йўғим ўзинг – сенсан доим,
Ел бўлиб эс, мен – кўкдаги тўлин ойинг,
Айланайин қорагина кўзим менинг!
Кўзим эмас, жон-жигарим, ўзим менинг!!

Қанча сулув гул бўлса-да сўлар бир кун,
Шон-шавкатли саройлар ҳам тўзар бир кун,
Тарқаб кетар ҳар қандайин бозор бир кун,
Эллар аро ёд этилар сўзим менинг,
Сўзим аро яшагайман ўзим менинг.

Илхом қуши

ИЛХОМ ҚУШИ

Қанча баҳорларим гуллади сенсиз,
Түкілдім соғинчдан кузги япроқдай.
Езларда қоврилдім ёғинсиз, ұлсиз,
Бул дардли күнглімнінг давосин толмай.

Бутун-чи, ўзгача қулф урар дунё,
Үңгімми, тушимми, во ажаб, бул не?
Келдинг тулпор каби елиб шу асно,
Айт-чи, ростдан ҳам шу сенмисан, сенми?

О, сен қалб ҳукмдори, орзу султони,
Күнглім саройига подшолик эт сен.
Сенсиз ўтган йиллар доғи, ҳижрони
Үтли нафасингдан эрисин-кетсин!..

ЖОНИМ

Оқ тақирилік, жизғанак ерда
Күйрармикин яна бўстоним?
Оққуш жуфтин қийса ажалга,
Чирқирамас қалай, эҳ, жоним?

Кимлар сезиб күнглім ноласин,
Қайта тирнар қалбим ярасин,
Дард не экан — мендан сўрасин,
Чекмаганлар не билар, жоним.

Соғинчларим — кузги зар япроқ,
Оёғимга шов-шов түқилар.
Армон қуши тутқизмас бироқ,
Ҳижрон доғи бағримни тилар.

СОФИНМАЙМАН ЭНДИ

Софинмайман энди ҳеч кимни,
Софинмайди ҳеч ким мени ҳам.
Күнгил – тилла бандсиз күшкимни
Тарк айлади тантана, байрам.

Сарғиш дүнгән күзги зар япроқ
Поймол бўлиб тўкилар энди.
Қалбим тўла ҳижрон, оҳ-фироқ,
Юрак-бағрим сўкилар энди.

Шукурим-ов, шукурим-ов деб,
Суйган эди эркалаб юзим.
Нетай энди баҳорни излаб,
Излаб келди хазонрез кузим.

Софинмайман энди ҳеч кимни
Софинмайди ҳеч ким мени ҳам.
Күнгил тиллабандсиз күшкимни
Тарк айлади тантана, байрам...



МЕН СЕНИ...

Мен сени қизларнинг бошинда тож деб,
Сиртингдан ҳавас-ла қараб юргандим.
“Шоирга минг қиз ҳам садақа, оз” деб,
Йўлингни гулларга ўраб юргандим.

Сен-чи, эҳ, унутиб асли зотингни,
Тулларнинг тулибин ялаб юрибсан.
Бозорга солиб йўқ мұхаббатингни,
Ўзингни Дон Жуан санаб юрибсан.

Мен сени аяйман, сўзниңг султони,
Тожу таҳтиңг тарқ айлабон кетар деб,
Гулсум чулчитларнинг бўлиб Ултони¹,
Ўзин ўзи хор-зор айлаб ўтар деб.

Мен сенинг сиртингдан қараб юргандим...

* * *

Мұхаббат – мен учун тонглар қовушиб,
Нафсларнинг қаноат топмоги эмас.
От усти сўз айтиб, йўлда топишиб,
Ишқ ўти жонларни ёқмоги эмас.

Мұхаббат – мен учун адоксиз армон,
Қувсам ҳам етказмас бир жонли тасвир.
Дийдор насиб этмас сарғайган ҳижрон,
Бошқаси... Мұхаббат эмас-ку ахир!..

¹ Гулсум, Ултонтоз – қорақалпоқ халқ достони “Алпомиш”даги қаҳрамонлар (булар “Алпомиш”нинг ўзбекча нусхаларида ҳам бор).

РАҲМ ЭТ

Софинчлар кўрсатди ўз кучин,
Айролик қамалин забт этди.
Ошиқлар билмайди ўнг-тушин
Ишқ меваси ейилди – битди.

Кўз ёшга қорилди қувончлар,
Тошди, о, меҳрнинг булоғи.
Тугади армон, дард, нолишлар
Ва ёнди умиднинг чироғи.

Олинди кўнгилнинг қалъаси,
Муҳаббат – шоҳ бўлди, Аллоҳим.
Бу юртнинг ҳолига, хуласи,
О, тангри, раҳм айла, раҳм айла, раҳм...

* * *

Бир лаҳза унудим, унудим,
Дунёнинг торлигин кўзимга.
Сўзимга бепарво бу юрт дим¹,
Хон бўлдим ўзимнинг кўнглимга.

Ўзимдан ўзгани кўрмадим,
Топганим, тутганим – сен бўлдинг.
Билмадим, билмадим, билмадим,
Сен – армон, сен – нола, мунг бўлдинг.

Бўшанди тизгинлар, қийноқлар,
Дунёда сен борсан, мен борман.
Сўроқлар, жавобсиз сўроқлар,
Кўнгилда минг армон, зил армон...

¹ Дим – жуда.

СЕНИНГ СИРЛИ КҮЗЛАРИНГ...

Күзларингдан бир сирни англаб
Юраккинам тураг жаранглаб!
Түйгуларга эрк берсам тинглаб,
Жоним сенга ошиқтиради.

Қолгудайин сирим сезилиб,
“Күй-күй, күнглим!” дейман эзилиб.
Кетолмайман сендан безиниб,
Шу ақлимдан адаштиради.

Ихлосимни сезиб менинг ҳам,
Холинг қийин бүлди сенинг ҳам,
Ишқа дучор қилас-у дам-дам,
Шу ишқ бизни ҳалок қиласади.

Күзларингдан бир сирни англаб,
Юраккинам кетди жаранглаб!..

* * *

Ёпдим мен түйгулар эшигин,
Дардларим қофозга түкилди.
Мұхаббат – ул эски қүшиғим,
Күз ёшта қорилиб экилди.

Үз уйим – о, ўлан түшагим,
Боламнинг шўх-шодон кулгиси.
Беъмани туялди кечаги
Ҳижрон ҳам, висол ҳам, гул иси...

СОФИНИШ

Сен маъюс нолиндинг: “Бир совға лозим,
Сийлай олмадим-да, шу гулдан ўзга...
Қўл қисқалик қилди, топмай иложин...”
Кўнглинг аён эди, не ҳожат сўзга?

Мен ҳам ғамгин мийиқ тортиб-ла секин,
Гулингни қўлингдан олдим шу асно.
Гуноҳкор бандадай олдингда сенинг
Кўнглимни фош қилгим келмасди асло.

Сен дединг: “Қанийди айлансанак бирга,
Юрсанг-чи...” “Имкон йўқ...” Бора олмадим.
Сени қолдирганча чорраҳа ерда,
Кетдим-қолдим, аттанг, қалбинг додладим.

О, бугун соғиндим жуда беаёв,
Гулингни, гул неси, ўзингни, жоним.
Ҳамон чорраҳада тургандирсан-ов,
“Кечир...” деб оғринар қалбим, виждоним.



СЕН БҮЛМАСАНГ...

Қиши аёзи түнгдирмас мени,
Езлар күйіб ёндириш мени,
Фаслларда маъни йўқ, маъни
Сен бўлмасанг...

Ёлғон дунё мени олмоқчи,
Армонларни дилга солмоқчи,
Мени сендан жудо қилмоқчи
Энди англасам...

Қўшиғим ҳам, созим ҳам – ўзинг,
Ўпка, гина, нозим ҳам – ўзинг,
Олғир шунқор, бозим ҳам – ўзинг,
Ўйласам...

Сен – ўтмишим, келажагим ҳам,
Эканлигинг англадим, билсанг,
Кўзим очиқ кетади ўлсам,
Сен бўлмасанг...

БОШҚАСИННИНГ БАРИ...

Дунё ишларга танг қолдим бир зум,
Келолмай ҳам турдим ўзимга ўзим,
Яна бир ўйиндан очилди кўзим,
Ёлғончи бу дунё – бевафо экан.

Мен излаган бозор йўли – айланиш,
Харид дунёси ҳам – мунг, алам, нолиш,
Бир тансиқ буюм йўқ менга нотаниш,
Йўқни излаб, бағринг минг пора экан.

Билсан, бозорим ҳам, баҳтим ҳам ўзинг,
Сарой, салтанатим, таҳтим ҳам ўзинг,
Ай вафоли ёрим, ай қора кўзим,
Бошқасининг бари, қўй, чала экан.

МУҲАББАТ

Кўнглимнинг чўғлари сўнган эди-я,
Бечора қалб шунга кўнган эди-я,
Хазон япроқларин тўккан эди-я,
Нега баҳор бўлиб келдинг, муҳаббат?!

Яна ўтда жиз-жиз ёнсинми қалбим,
Яна чекайинми жафо-ю жабрин,
Мени телба айлар бу ҳолат бир кун,
Нега вужудимга эндинг, муҳаббат?!

Энди сайр этишга кўнгил bogim йўқ,
Энди гул очишга баҳор-ёзим йўқ,
Сен подшосан, менинг тожу-тахтим йўқ,
Нега армон бўлиб келдинг, муҳаббат?

Энди осмонингда учмоғим мушкул,
Жоним, ҳатто сени кучмоғим мушкул,
Илоҳий қудрат бўл, худойлик иш бўл,
Ўзинг куй, пиш, ўзинг ёндири, муҳаббат!



СЕНИ МЕНГА ХУДО ЕТКАЗДИ

Түйгуларни кўмиб юрак тўрига,
Ўт кетсин, келмасин девдим ўрнига,
Кўл силтагим келган эди барига, —
Шу он сени менга худо етказди.

Ақлимдан, ҳушимдан озмаслигим-чун,
Тез тўзиб, умидни узмаслигим-чун,
Бемаъни сатрлар ёзмаслигим-чун
Бу он сени менга худо етказди.

Ўзимни ўзим-оқ излаб топишга,
Дарё каби тўлиб-тошиб оқишга,
Жонимни ўтларга яна ёқишга
Сени, сени менга худо етказди.

Сен келдинг — уйғонди мулгиган¹ ҳислар,
Маст қилди анқиган баҳорий ҳислар.
Айланиб кетайин, эй қора кўзлар,
Сизни менга худо, худо етказди.



¹ Мулгиган — уйқуга кетган, ухлай бошлаган.

СЕВГАНИНГ БЕКОР

Чин берилиб, ихлос билан севмасанг,
Кўнгил истаб, суҳбатлашиб юрмасанг,
Ёр кўнглида не борини билмасанг,
Бул дунёга келиб юрганинг бекор.

Интиқиб, соғиниб ҳижрон дөғинда,
Сарғайиб кутмасанг сафар чоғинда,
Кун бўлиб кулмасанг кўрган вақтингда,
Бирга турмуш қуриб юрганинг бекор.

Иззат-икром ила ёринг сийламай,
Шошиб иш битирсанг изин ўйламай,
Турмуш денгизини теран бўйламай,
Кўнглини қолдирсанг – севганинг бекор.

Мұҳаббатсиз ҳаёт мисли зиндандай,
Кўнгил саройига қулфлар ургандай,
Боғда чаманларни қиғов чалгандай,
Ишқсиз бу дунёга келганинг бекор.

Ўзга чаманларда очилса гулинг,
Тақдир елкалатса айролиқ юкин,
Бир боғ бўлсанг, йўқотган ўз булбулин,
Севдим деб соғиниб юрганинг бекор.

Севган кўнгилларга тилақдош бўлинг,
Биринг – Ой, бироловинг – Кун бўлиб юринг,
Тақдир сўқмоғинда олға интилинг,
Йўқса ёр бўлай деб юришинг бекор.

ЭР ҚҰТҚАРАДИ

Тұхмат, ўтрик, алдов, ёлғон сүзлардан,
Сүқланиб қараган ёмон күзлардан,
Нокаслардан, номарлардан, ҳезлардан,
Қутқарса аёлни — эри қутқарар.

Ким отса аёлга таъна тошларин,
Бесабаб оқизса күзда ёшларин,
Үлимга тик боқиб, тикиб бошларин,
Қутқарса аёлни — эри қутқарар.

Нохақдан учраса агар тұхматта,
Аёл қолса таъна, тавба, миннатта,
Оқбош түлқиндай бош уриб зулматта,
Қутқарса аёлни — эри қутқарар.

Аёл — дарча, эри — тутилған парда,
Илинмасин учун сүқ күз назарга,
Күнгилда қийлу қол, бўлмасин зарда,
Қутқарса аёлни — эри қутқарар.



Ұкку тақдүр

СҮЮНБЕКА

(Тарихий тұлғов¹)

Ташлаб кетиб Хоразмдай Ватанни,
Ейиқда бобомиз Нұғай атанды,
Тахт үлдирди Сүюнбека онангни,
Давронингнинг бары армон, қоралпақ!²

(Қорақалпоқ халқ құшиғидан)

— 1 —

Биби Фотма бизларга пир саналган,
Аёл Зотин пайғамбарлар тан олган.
Ойчүлпон, Орувхон — ўроним² бўлган,
Туб шажарам Тўмарисдан тарқалган.
Гулойим, Сарвиноз — ботир қизлар бор,
Бир ўзи мингларга татир қизлар бор,
Ойдан ортиқ сулув, сумбатли бўлган,
Кирқта қиз — элимга мисли қирқ қўргон!
Қизларини ҳурматлаган халқмиз биз,
Жасорат — шаънимиз,
Мардлик — туғимиз.
Мен бугун қўлимга олиб қаламни,
Кўйлай дедим Сүюнбека санамни.
Кулоғимга садо келди, о, шу вақт,
Нұғай мамлакати, Олтин Ўрда, тахт...

¹ Тұлғов — халқ оғзаки ижодидаги қадимий құшиқ тури. Үнда асосан тарихий воқеалар, ботирлар тақдирі тасвириланади.

² Ўрон — пароль маъносида.

— 2 —

Эдил, Ёйиқ¹ — сув манбаи, фаровон,
Амир сайлаб Нўғай юрти шод-хандон,
Хўп соғиниб Аму сувин ул замон
Чўлга сафар чеккан қорақалпоқман.
Тарихда номим бор — массагету соқ,
Шулардан қолган бир из — қорақалпоқ,
Тақдир — довул, қанча кўчиб-кўнганимиз,
Қипчоғу Кўнғирот, Мангит бўлганимиз.
Ўн биринчи аср, рус йилномасида,
Танилганимиз “қалпоқ” атамасида.
Чингизхон аёвсиз уруш қилганда,
Қипчоқ қавмларин қириб солганда,
Шунда бош кўтардинг Олтин Ўрдада,
Айланиб Мангитли Нўғай мирзага.
Олтин Ўрда юрти қулаган вақтда,
Амир Нўғай бўлиб миндинг сен тахтга.
Муса, Шийқим, яна Шейдаёқ, Қосим,
Юсуф ва Исмоил, Тинаҳмад бошчинг,
Ном чиқариб Ўрмамбетдай ўғлонинг,
“Қорақалпоқ — бизлар”, деган қиронинг.
Солмай туриб қизларингни хатимга,
Бошим эгай ўша аждодларимга...

— 3 —

Саҳройи ҳалқимнинг кўкёл сиртлони, —
Мангит Юсуф бўлди Ўрданинг хони.
Номи чиққан ботир, мард ўғлон эди,
Ҳалқим деди, ҳалқининг ғамини еди.
Ҳаттоқи хавф солиб Ўрисиятга,
Ҳукм ўтказди Москвага, Витовтга².
Мустаҳкамлаш учун Нўғай Ўрдани,
Керак дерди ўрисларнинг ўлпони.

¹ Эдил, Ёйиқ — ҳозирги Волга ва Урал дарёларининг қадимги номи.

² Витовт — Болтиқ денгизи бўйидаги қурдатли даилат раҳбари.

Нўғай юрти хони Юсуф Мирзанинг,
Кимлар сезар эди улуғ армонин?!
Балиқ бошига қарай, туримтой тусига
Кетмасин деб, борин солиб ҳовчига,
“Элим эл бўлсин” деб, шу қатъий йўлда,
Ҳатто қўл бермаган на ўнг, на сўлга.
“Ёлғиз отнинг чанги чиқмас”, деганлар,
Мангит Нўғай Мирзо тузди қўргонлар.
Бироқ амир Нўғай тузган ўрдани,
Ҳасад деган ёмон иллат қўймади.
Тўра, Қозон, Ҳожи Тархон, Кримга
Бўлинди мамлакат, кўп чиқит бўлди,
Ўғил – Румга кетди, қизи – Қримга,
Товон тираб қолгани бир Мангит бўлди.
Унинг гузар йўли хўп чангит бўлди.
Ўлпон тўлаб турган Нўғайўрдага,
Бош кўтарди Москва-да, Литва-да.
Москва гаровга олиб болаларин,
Қийин этди мирзаларнинг ҳолларин.
Ниятлари холис эмас, буриш¹ эди,
Ўйлагани Нўғайюрга уриш эди.

– 4 –

Ўша мангит Юсуф Мирзанинг қизи,
Қиз эмас, осмонда ёнган юлдузи,
Суюнбека сулув эришди тахтга,
“Етказаман, деди, ҳалқимни бахтга”.
От белинда ўйнаб, қилич сермаган,
Бундай мардни ким кўриб, ким кўрмаган.
Отасидай ғайбар, ақлли эди,
Шунинг-чун ҳалқининг ғамини еди.
Нўғайли элининг гули-ғунчаси,
У Қозон элининг бўлди хончаси.

¹ Буриш – бурилган, яъни тескари, нотўғри.

Ағдар-тўнтар, қийин замонда яшаб,
Юрар у элу халқ әркини тусаб.
Бухорою Тошкент, Урганч юртин ҳам,
Манғит сultonлари ушларди маҳкам.
Аслзода бўлгач қизнинг зов-зоти,
Ҳайбат солар эди унинг савлати!
Юритмоқчи бўлиб ўз сиёсатин,
Қозонга кўз тикди Ўрисиятинг.
Юрди Нўғайлига босим ўтказиб,
Ўзига бош этган хонни кўтариб.
Суюнбека сулувни олмоқчи бўлди,
Соф бошига савдо солмоқчи бўлди.
Тишин қайраб Ўрисият шу вақтда,
Жоналини ўтиргизтириди тахтга.
Сақлаб турган эди омонат қилиб,
Жоналининг даври келарин билиб.

— 5 —

Юрт омонат Суюнбека сулувга,
Сафогерей жон сақларди Қrimда.
Қозон қалъасига бўлиб ҳукмдор,
Жоналига гўё жаҳон бўлди тор.
Суюнбека экан юртнинг сунячи,
Эл-юртнинг бирлиги, давлат таянчи.
Шу обрў, ҳурматга бўлай деб эга,
Жонали уйланди Суюнбекага.
Бийликнинг тизгини қолди сулувда,
Жоналида жон йўқ бўйин бурувга.
Суюнбека халқни одил бошқарди,
Масжиду мадрасаса, қалъалар солди.
Сирт элларга карвон тортди, йўл қилди,
Савдо-сотиқ иши тараққий қилди.
Олимларни пойтахтга олдириб,
Илму фан деб неча бинолар қуриб,
Халқ ҳам қўллаб Суюнбека қизини,
Бошчи билар эди унинг ўзини.

Жонали хоннинг ҳеч иши ўнгмади,
Уни на амирлар, на халқ қўллади.
Мангит мирзалири сўнг бош кўтариб,
Тинчидилар Жоналинни ўлдириб.
Омонатни омон сақлаб хончаси,
Сафархон бўлди сўнг Қозон подшоси.
Бошин қўшиб Суюнбека сулувга,
Ниятланди зўр салтанат қурувга.
Хизмат қилди эли учун югуриб,
Халқим дея ҳар балога дош бериб.
Қозон салтанати гуллаб-яшнади,
Эл-юрт ободликка қадам ташлади.

— 6 —

Москва кўз тикиб турарди ҳамон,
Истарди, бизга бош эгсин деб Қозон.
Сафархоннинг сиёсати ёқмади,
Сабаб — дарё улар томон оқмади.
Қайта-қайта уруш хавфин туғдириб,
Шамол йўқ жойларда довул турдириб,
Душман ичдан чалиб, халқни авради,
Олти оғайни бир-бирини алдади.
Қарши зарб беролмай ёвга Сафархон,
Мангит мирзаларсиз қолди тахт, Қозон.
Суюнбекага ҳам доди етмади,
Қилган ҳийла-шумликлари ўтмади.
Яна ютиб оғир юкнинг азобин,
Қолаверди Суюнбека гўзалим.
Нўғайортга туғдириб хавф-хатарни,
Москов энди Шоҳалини хон кўтарди.
Москвада омонат юрган бул бола,
Қаёқдан етишиб бўлолсин доно?!
Хон бўлса-да, эрки эмас ўзида,
Лафзу қарори йўқ айтган сўзида.
Суюнбека бағишламай танини,
Шоҳалини амангер¹ деб таниди.

¹ Амангер — эри ўлганидан сўнг бўладиган эр.

Мард Манғитнинг ўша ботир авлоди,
Сафархон Қозонни яна ёвлади¹.
Бироқ тақдир унга вафо қилмади,
Бефурсат ботирнинг бошин ялмади.
Қолаверди изда Суюнбекаси,
Ёлғиз ўғли – Ўтамишдай эркаси...

– 7 –

Тахт учун даъвогар Ўтамиш султон,
Туғилди у Суюнбека онадан.
Суюнбека одил ҳукмдор бўлди.
Халқнинг кўнгли нури зиёга тўлди.
Ёнига юрт яхшиларин йигнади,
Ёши улуғларнинг гапин тинглади.
Илашмоқчи бўлиб ҳатто оқимга,
Хат йўллади олис билан яқинга.
Халқ билан бўлди у, халқ билан сузди,
Москва билан ҳам шартнома тузди.
Манғит мирзоларга қилган даъвати –
Москвани ёвлаш эди нияти.
Отаси Юсуф мирза – ул кўкёл сиртлон,
Оғаси Юнус ҳам мард, ботир ўғлон.
Қилган ниятидан қайтмайди улар,
Ўлмаса бош эгиб ётмайди улар.
Москов аскар тўплаб Нўғай ўрдадан,
Қозонга урущ очди яна қайтадан.
Туғишган² улуслар тулпор чопишиди,
Ўзин ўзи қурбон қилиб чалишди.
Улар – Қипчоқ, Қўнғирот ва Манғит эди,
Бирининг бошини бириси еди.
Фойдаланиб бундай олаофизликдан,
Москов тортар эди жилов-сувлиқдан.
Суюнбека куйди ёвласа халқлар:
“Во дариф, оғизлари бир бўлса нетар?..”

¹ Ёвламоқ – кўшин тортмақ, босиб олмок.

² Туғишган – оға-ини, биродар халқлар.

— 8 —

Суюнбека ўғли билан гаровга
Ҳайдаб олиб кетилдилар Московга.
Иван Грозний эди Ўрис подшоси,
Суюнбека Қозон юрти хончаси.
Подшо кўриб танг қолди ул суловни,
Ният қилди хотинликка олувни.
“Файри юртда тан маҳрами бўлгунча,
Бош эгмайман қошиқ қоним қолгунча...”
“Томиринда қайнаб Мангитнинг қони,
Тенгсалтириди¹ Суюнбека онани.
Қозонга Шоҳали хон бўлди такрор,
Эл-юрт бошига ёғилди озор.
Эгалик қилолмай ёлғиз ўғлига,
Суюнбека она қайти элига.
Шоҳали жабрини ҳаддан ўтказди,
Финг десанг — Московга барин етказди.
Мангит мирзалардан хайр бўлмади,
Олағизлик бошларини ялмади.
Қизига кўз қирин сола олмади,
Ўз юртига ўзи эга бўлмади.
Суюнбека сулов фармони билан,
Кўнглида қатма-қат армони билан,
Юрак-бағри қон-қон бўлиб эзилди,
Бўтадай бўзлади, тутдай тўкилди.

— 9 —

Едига султоннинг бовлиғи² ўзим,
Нўғайнинг ўрдасин кўргандир қўзим.
Бугунги ҳолингга не дейин, ҳалқим,
Қаёқда минг йилча татирлик донғинг.

¹ Тенгсалтироқ — чайқаб кўрмоқ, хаёлга ботирмоқ.

² Бовлиқ — боғиҷ. Бу ерда “авлод” деган маънода.

Қорақалпоқ – туб илдиздир Манғитга,
Нега чопавердинг, халқым, анғитта?
Құнғиротда арисингнинг биттаси,
Қипчоғинг азалдан бизга эл әди.
Бош әгибсан бугун Ўрисиятта,
Тарих олдидә сен қолдинг уятта.
Үғлингни сен нега юбординг Румга,
Қизингни юбординг нега Қишимга?!
Азалий душманлар эл бўлармиди?
Етак кесган билан энг бўлармиди?
Үғилларин пир тутганим, халқим-ов,
Қизларини ҳурмат қилган халқим-ов.
Бугунги кун сенинг олтин бошингни
Коғирлар келиб-оқ янчиб-ялмади.
Заифа бўлсам ҳам, ор деб тиришдим,
Ёлғиз ўзим ёвга қарши курашдим.
Оғам келар деб эдим-ов ортимдан,
Мадал кутдим Нўғайлидай юртимдан.
Манғитнинг қизлари хонга мұяссар,
Магар хон бўлса-да тахтга ярашар.
Бугун ёд қилгайман боболар ерин,
Турон – шу Туркистон, Хоразм элим.
“Тушларимга энар Бойсун тоғлари”,
Тилимни ўтирган Жайхун сувлари.
Бошинда чўғирма, қора қалпоги,
Бобом – ботир массагетлар урпоги.
Ўзинг ёр бўлгайсан, Тўмарис онам,
Эвоҳ, жар бўйида турибди боланг.
Қонга тўла мешга тиқдинг бошини,
Кир подшонинг мағлуб бўлди қўшини.
Менинг ҳам юрагим тўлгандир қонга,
Қасд қилсам қилайин шу ширинжонга.
Бургутлар чўққидан ташлаб ўлади,
Сабаби, у ўз қадрини билади.

Кимга насиб қылсын азал поёни,
Мен ҳам тарк этаман ёлғон дунёни...” –
Суюнбека ўзин минордан ташлаб,
Қора күз халқларни кетди, ох, ташлаб.
Тожу тахт, салтанат вафо қымлади,
Армонли сулувнинг бошин ямлади.
Гаровга олинган Ўтамиш султон,
Унинг ҳам бошини олдилар шу он.

– 10 –

Сақлаб қолмай Ўтамишдай болангни,
Тахт ўлдирди Суюнбека онангни.
Охир коғир олиб солған қалъянгни,
Оқдарёни ташлаб кетдинг, қоралпоқ!
Хон қизи бўлса-да тошиб-тўлмаган,
Халқ бахтини, келажагин ўйлаган.
Қозонга хон бўлган ақдли қизим.
Нўғай ўрдасида ёнган юлдузим.
Халқинг унутмайди сенинг отингни,
Гавҳардай покиза асли зотингни.
Тарих саҳнасидан турибсан қараб,
Яна эл-юрtingга омонлик сўраб.
Қозонда сен ўзинг тиклаган минор,
Суюнбека номинг улуғлар такрор.
Номинг байроқ қилган журнал ҳам бордир,
Ҳар оиласа ундан ёғар нур.
Қорақалпоқ тарихида отинг бор,
Шажарамда ёзиб кетган хатинг бор.
Ўрин олдинг ўрис солномасидан,
Ёрлиқ олган хону беклар қошидан.
Жировлар қубизин олиб қўлига,
Номингни ёдлайди қўшиқларида.
Макон айлаб туб азалий ватанни,
Халқинг бугун қорақалпоқ атанди.
Эга бўлди ўз тили, ўз динига,
Комусига, байробига, гербига.

Элингда Адолат барқарор бўлди,
Инсон манфаати юқори турди.
Ўзинг армон қилган илму фанларни,
Авлодларинг ўзлаштири барини.
Илм даргоҳи – университет, институт,
Зиё тарқатади элга кетма-кет.
Ҳамма тенгдир, ўқиб, меҳнат қиласи.
Энг улуғ баҳт меҳнатда деб билади.
Шаҳид кетган бўлса Ўтамиш ўғлинг.
Барча қорақалпоқ фарзандинг сенинг.
Онамиз деб, ардоқ қилиб туради,
Номингни улуғлаш мақсад-муроди.
Суюнбека она, руҳинг шод бўлсин,
Қабринг нурга тўлсин ва обод бўлсин.
Қорақалпоқ ичра хон қизи бўлиб,
Кўнгилларда борсан юлдузи бўлиб.

(2007-2010 йил)

БИР ТАҚДИР ФОЖЕАСИ

Кичик достон

— 1 —

Гулсанам бир уйнинг кенжаси,
Қилиги эрка, шўх эди.
Уйининг тантиқ эркаси,
Отилмай турган ўқ эди.
Ўзиям сарвқомат, сумбатли,
Кўрган кўз қувониб қолгудай.
Иболи, ҳаёли, ҳимматли,
Ақлу ҳушларни олгудай.
Кўп эди ошиғи унинг ҳам,
Олдида сув бўлиб оқдилар.
“Кимга эгилар бу санам,
Ваҳ!” - дея тантглай қоқдилар.

Күп йигитлардан сарғайиб,
Совчилар келди-ю бүш қайтди.
Бирига дил берди, жилмайиб,
Бошқаларини мунгайтди.
Бир синфда бирга төң үқиган
Армонни севди у армонсиз.
Бир юриб, эртаклар түқиган
Йигитга бахш этди ўзни қиз.
Севишган! Синашган! Синфдош!
Күлларни күлларга бердилар.
Шүйтди-да пок күнгил икки ёш,
Боғлардан даста гул тердилар.
Икковлон кетдилар Ташкентга!
Үқимоқ — мақсади-муроди.
Илинмай талаба рўйхатга,
Икковлон синовдан қулади.
Не бўпти қуласа? Икки қалб
Кушлардай чурқ-чурқлаб, шўх-шодон.
Бириси бирисин эркалаб
Йигит-қиз қайтдилар уй томон.
Икковлон ижара уй тутди,
Бириси биридан қолган йўқ.
Отаю онани унуди,
Сўзимда тирноқча ёлғон йўқ...

— 2 —

Келинмас эмас, ўзининг қизидай
Кўрилиб, кўнгли ўсади.
Гулсанам юрар бир тинмай,
Кўкарган каби кўсаги.
Келиннинг уий олдидан
Ўтдилар қуда-қудағай.
Ҳаммаси келди-ку ўнгидан,
Аллоҳим, ўзинг баҳт берагай!

Орадан ой ўтди. Йил ўтди,
Фарзандлар келдилар дунёга.
Бошлари осмонга нақ етди,
Бириси биридан зиёда.
Үйим деб югуриб юрганда
Бирисин бириси унутди.
Кунларнинг куни келганда,
Дилларни синов совутди.
Армоннинг кўп эди армони,
Ҳафталааб кетар уйидан.
Баҳона қиласади у-буни,
Келмасди кетган жойидан
Гулсанам жуда кўп ўйларди,
«Қалай ўтаркан куним» деб.
Эрига айбларни ортарди
«Қуриб кетсин-а, туринг» деб.
Шу бўлди, кўнгиллар қолишиди,
Тубанлаб кетди-ку ҳоллари.
Салгина нарса деб уришиди,
Чирқирап қизлари, уллари...

— 3 —

Бола жойланди боғчага,
Гулсанам бошлади бир ишни.
Кўрсатиб қўймоқчи барчага
Пул топиш қанақа бўлишни.
Ҳа демай улғаяр фарзандлар!
Кечаги кийимлар бутун тор.
Нарх эса ўсади, қимматлар,
Пул керак... пул қани, қайда бор?!

Болалар ўсмоқда, ўсганда,
Харажат ўзига етказмас.
Маошга кун қараб қолганда,
Камликни маош ҳеч битказмас.

Гулсанамга таниш бир аёл
Қатнаб юрарди Қозоққа.
«Мен ҳам борсам...» деган бир хаёл
Етаклар уни шу ҳам ёққа.
Эрига ўйлашди, кенгашди,
Эри «Борсанг, борақол» — деди.
«Бахт шу бўлса, улашса,
Улушингни олақол!» — деди.
Армон қараб ўғилга-қизга
Гулсанамни чорларди у ёқ.
Гоҳо ошиб кетиб Қирғизга,
Карвон қолиб кетарди узоқ.

— 4 —

Санам кирди савдо йўлига,
Унутди-ку уйин-жойин ҳам.
Пуллар келаверди қўлига,
Топишлари эмас сира кам.
Бирга савдо қилишиб юрган
Йигит жуда меҳрибон чиқди.
Ўртададир наф, зиён, гардкам,
Ҳар соҳада устамон чиқди.
Гулсанамнинг ўғил-қизлари,
Сарғайишиб кутар уйида.
Улғайишиб қолганди бари,
Кўришни исташар онани жуда.
Машина, ҳовли қўша-қўшадан,
Фарзандлар зор бироқ меҳрга.
Юрак ахир эмас-ку тошдан.
Она қани? Кетган чет ерга!
Армон-чи, о, роса бўлдириди,
Носоз гапдан, заҳар сўзлардан.
У ўзини тамом олдириди,
Отилажак ўқдай кўзлардан.

Гулсанам уйга бир келганды,
Деди: «Чиқма, чет элга қайта!
Мени юртга қылдинг шарманда,
Қуриб кетсін бундайин фойда!»
Чиғириқдан бир чиқса аёл, —
Биласиз-а... Гулсанам нетди?
Бу оламнинг кенг сағнин дарҳол,
Армонга тор этди-да, кетди!
Қарамай ўғил-қызлар күнглига,
Охири улар ажрашды.
“Хайр” айтди бири-бирига,
Болалар зор-нолон йиглашды.

— 5 —

Узатилганда қыздари,
Куда юрт қылди тантана.
Кам солинган деб тузлари
Қаҳрини сочар қайнона.
Қолгани ҳали кичкина,
Үқиб юрибди мактабда.
Ота-онаси касридан
Ёш күнгил лат еган, ғазабда.
Ховлилар тенг-тенг бўлинди,
Машина ҳам тенг-тенгдан.
Битта оила бўлинди,
Айбни излар ким-кимдан.
Отаси кетган уйланиб,
Онаси ҳамон эл кезар.
Фарзандлар ўксик, ўйланиб,
Уларнинг дардин ким сезар?
Саводода юрган йигитга
Гулсанам қўшиди күнгилни.
Беланиб орзу омидга
Давом этдилар сайилни.

Үғил-қыз уларга эргашмай,
Гулсанам бош тортди уйидан.
Сафарга кетди сиғишимай,
Айрилди баҳтнинг тўридан.
Авваллар бирга юрганда
Ой билан кундай бўларди.
Энди эшикка келганда,
Билди: бепарво куларди.
Ўйнашга хотин бўлганинг
Қадри бўларми – бўлмайди!
Баридан жудо қилганинг
Бахти қайта очилмайди!
Унда на обрў, қиммат бор,
На-да келинлик ҳурмати.
Жондан ўтади бир озор –
Қош-қовоқларнинг миннати.
Ярим йўлида адашиб,
Йўл излар энди Гулсанам.
Иш қилган экан-ку у шошиб,
Ўнгланмас энди қайтса ҳам.
Уяту виждон, ор-номус,
Олди-ортига қаратмас.
Қўлни кесаркан зўр қамиш,
Ҳол-аҳволни ҳам сўратмас.
Кўнгилдош бўлган йигити,
Энди бирликка интилмас.
Сўлди-ку армони-умиди,
Йўқолган баҳти топилмас.
Қайда қолди-я қыз пайти,
Изida юрган хушторлар?
Фарзандлар қараб ҳам қўймайди,
Бепарво энди бор дўст-ёрлар.
Бирон кас қолмабти ёнида,
Йўқотибди бари-барини.
Иш тушганда ҳам боролмас,
Унуглан дўсту ёрларини...

Чиқишиб кетганди Гулсанам
Түкәнан туғишганлардан ҳам.
Хаттоқи ўғил-қызлари ҳам,
Четта олади тез-илдам.
У шунда... ароққа берилди!
Бору йўқ пулларин совурди.
Бошқа не қылсин у энди,
Ўзини ўтларда қовурди!
Алдабди енгил баҳт хумори,
Отган одими – мунг бўлди.
Тарқади ҳаёт бозори,
Ипак соchlари юнг бўлди.
Номаъқул гўштларни еганми,
Завол топти, о, Гулсанам.
Эл-юртдан ошсам деганди,
Ёт юртда қолди қабри ҳам...



МУНДАРИЖА

ИЛХОМ БУЛОГИМНИНГ КЎЗИСАН

Ватан	5
Бобомсиз	6
Ўғлим, тоғларга бок	7
Онажон	8
Мен – саҳройи қорақалпоқман	9
Айтгиб яхши кўрсанг	10
Хоразмни тарқ этишга рухсат йўқ	11
Қизларимни қизғонаман	12
Нукусим	13

КЕЛАЖАКНИНГ ЁРУФ ХАЁЛИ – АЁЛ!

Аёл	15
Мени айблама	17
Шоирга	17
Айт... айт	18
Муножот	19
Гоҳида	20
Барчаси ёлғон	21
Сезмайсан	21
Инъом эт	22
Ёлизилик	22
Кўринди	23
Виждон айтадики	24
Орангизда қолгим келади	25
Яна баҳор келди	26
Кетмоқ учун келганман	27

ИЛХОМ ҚУШИ

Илҳом қуши	28
Жоним	28
Соғинмайман энди	29
Мен сени..	30
«Мұҳаббат – мен учун..»	30
Рахмэт	31
«Бир лаҳза уннудим..»	31
Сенинг сирли кўзларинг	32
«Ёлдим мен..»	32
Согиниш	33
Сен бўлмасанг	34
Бошқасининг бари	34
Мұҳаббат	35
Сени менга Худо етказди	36
Севганинг бекор	37
Эр қутқаради	38

ИККИ ТАҚДИР

Суюнбека	39
Бир тақдир фожаси	48

2800 сур.

МИНАЙХОН ЖУМАНАЗАРОВА

ЯШИН БҮЛМАЙ ЯШАЙ ОЛМАЙМАН

Шеърлар

«ISTIQLOL» – Тошкент – 2013

Мұхаррип

Мусаққиҳ

Рассом

Саҳифаловчи

Ф. Раззокова

Н. Атабоева

Ҳ. Ёқубов

С. Пұлатов

Лицензия рақами AI № 217. 03.08.2012 й. Босишта рухсат этилди
11.11.2013 й. Бичими 60×84^{1/16}, Times Tad гарнитурасида. Шартлы босма
табоги 3,5 б.т. Адади 500 нұсха. Офсет қофози. Буюртма № 59.

«ISTIQLOL NASHRIYOTI» МЧЖ, Тошкент ш., 100129, Навоий күчаси,
30-үй. Тел: 244-94-36, факс 244-51-98. Эл. почта: istiqlol-nashr@mail.ru.

«ISTIQLOL NASHRIYOTI» МЧЖ матбаа булимида чоп этилди. Тош-
кент ш., 100129, Навоий күчаси, 30-үй.